



Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 4/2023-mik Inatsisartut ilaliinissaannik siunnersuut

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa nunani avannarlerni efterskolit akornanni suleqatigiinnerup annertusineqarnissaanut periarfissat misissoqqullugit tassungalu ilanngullugu atuartut efterskolimiinnermut aningaasanik qinnuteqateqarsinnaanissamut periarfissaat misissoqqullugit.

(Aallartitat siulittaasuat Doris Jakobsen Jensen)

(Siullermeerneqarnera aappassaaneerneqarneralu)

Qujanaq Nunat Avannarliit Killiit Siunnersuisoqatigiiffiani siulittaasoq siunnersuuteqarninnut.

Qularutissaanngilaq, efterskolimiinneq ilinniarnermut inuuniarnermullu inuusuttorpasuarnut pitsaasuusoq. Takusarparpullu aamma, maani nunatsinni inuusuttatta ilai Danmarkimut efterskolertiartut imaluunniit uagut nammineq efterskoliutitsinnut. Tamanna pitsaasuuvoq.

Nunat Avannarliit Killiit Siunnersuisoqatigiiffiat isumaqatigisinnaavarput, pitsaasuusinnaasoq, inuusuttut. Siunnersuuteqartulli allanneratuut, ileqquunngilaq Islandimut efterskolertiartarnej. Tamanna tunngavigalugu siunnersuut uagutsinnut Kalaallit Nunaanni Savalimmiunullu tunnganerulluni.

Demokraatini ajornartorsiutissaqartutut isiginngilarput, Nunat Avannarliit Killiit Siunnersuisoqatigiiviniit periarfissat misissorneqarpata efterskolertitsisarnermi suleqatigiinnissamut periarfissat annertusarsinnaaneri. Taamaattorli uparuarusupparput, pingaaruteqartoq, torersumik misissorneqarpat, suleqatigiinneq nunatta karsianut aningaasatigut qanoq kinguneqassanersoq.

Taamatuttaaq isumaqarpugut, oqallisigisaq taanna pillugu ataatsimiittoqassappat tamanna internettikkut ingerlanneqassasoq angalanernut ineqarnernullu aningaasartuutit sipaarniarlugit.

Taamatut paasinnilluta siunnersuutip akuerineqarnissaa innersuussutigaarput.